



Strassenverkehrsamt Graubünden
Uffizi per il traffic sin via dal Grischun
Ufficio della circolazione dei Grigioni

Consegna da vignettas per mopeds/e-bikes a partir da l'onn 2023

En il Grischun vegnan a partir dal 01-01-2023 numers d'immatriculaziun e vignettas per mopeds/e-bikes mo pli consegnads da l'Uffizi per il traffic sin via. Sin las vischnancas n'èn a partir da l'onn 2023 naginas vignettas e nagins numers d'immatriculaziun pli disponibels.

Muster da vignetta da moped/e-bike:



Infurmaziuns impurtantas per dumandar la vignetta a partir da l'onn 2023:

Tut las possessuras ed il possessurs actuals da la vignetta 2022, dals quals il vehichel è vegnì registrà en nossa banca da datas*, survegnan il cumenzament da l'onn 2023 automaticamain in quint pro forma per posta. Quel vegn a cuntegnair las taxas per la vignetta 2023. Uschespert che quest quint è pajà, As vegn la nova vignetta tramessa per posta. Sche Vus na vulais betg pli ina vignetta per l'onn 2023, pudais Vus simplamain considerar il quint pro forma sco obsolet ed al bittar davent.

Per novs mopeds u novs e-bikes en circulaziun pudais Vus dumandar vignettas e/u numers d'immatriculaziun tar nus. Per quest intent vegn in formular da dumonda publicità a partir da l'onn 2023 sin nossa pagina d'internet, che sto vegnir inoltrà emplenì cun ils documents da vehichel. A partir da l'onn 2023 po il formular da dumonda er vegnir retratg al spurtegl da l'Uffizi per il traffic sin via u per posta.

*Possessuras e possessurs da mopeds/e-bikes han survegnì ina brev cun la dumonda d'ans trametter ils documents dal vehichel, per che nus possian far la registraziun en nossa banca da datas. Sche Vus essas en possess da mopeds/e-bikes e Vus n'avais anc betg survegnì ina brev per la registraziun en nossa banca da datas, pudais Vus ans trametter il(s) document(s) da vehichel (original cun ina curta motivaziun). Voss mopeds/e-bikes vegnan registrads en la banca da datas e Vus survegnis gratuitamain in nov document dal vehichel.

Cuira, ils 31.08.2022